

Tukutuku Ako mō Ngā Mahi a te Rēhia

Ngā Whakaaro Whānui	Ngā Akoranga Tāpua Taumata 6-8 o Te Marautanga o Aotearoa		
	Taumata 6	Taumata 7	Taumata 8
He taonga tuku iho	- He mātauranga huhua, he whakapapa anō hoki ō ngā toi. - Ka pupuri, ka whakapuaki ngā toi i ngā kōrero ā-iwi me ngā kōrero tuku iho. - He kaitiaki te kaitoi, māna e tiaki, e whakaaauaha, e whakawhanake hoki ngā toi.		
	Ka mōhio te ākonga: - he whakapapa, he mātauranga anō hoki ō ngā toi Māori - he kaitiaki te kaitoi.	Ka mōhio te ākonga: - ko ngā kōrero whakapapa me ōna tikanga e ahuahu ana i te aronga/horopaki ā-iwi/tangata, i te taiao hoki - mā te kaitoi ngā tikanga toi e kawē, e whakaputa ki te ao.	Ka mōhio te ākonga: - ko ngā kōrero whakapapa me ōna mātauranga he ara e tūhono ai tātou ki te ao hurihuri - mā te kaitoi ngā tikanga toi e tātari, e panoni i runga anō i ngā horopaki me ngā āhuatanga o te wā kia whai hononga te onamata ki te ao hurihuri.
He reo motuhake	- Ko ngā toi he ara hei whakamāori i te ao whānui. - Ko ngā toi he ara hei whakapuaki i tā tātou titiro ki te ao me ō tātou whakaaro. - He reo tō ngā toi e kore e tū noa, ka panoni haere, ka whai tikanga hou i runga anō i tōna horopaki.		
	Ka mōhio te ākonga: - ko ngā toi he ara hei whakamāori/whakapuaki atu i ngā whakaaro - mā ngā āhuatanga toi ngā whakaaro/tirohanga o te wā e whakamāori.	Ka mōhio te ākonga: - mā te whakamahi i ngā āhuatanga toi e tika ana ka puta atu ngā whakaaro ki te ao - ka panoni haere ngā nuka toi i runga anō i te horopaki me ngā tikanga/tirohanga o te wā.	Ka mōhio te ākonga: - mā ngā toi tō tātou ao e whakaaweawe kia tipu mai ko ngā tirohanga hou - mā tō tātou ao ngā toi e whakaaweawe kia whaitake ai ki tēnei ao hurihuri.
He hononga ki tō tātou nei ao	- He whai hononga ngā toi ki tō tātou onamata, te nāiane me te anamata. - Mā ngā toi tātou e tūhono ki ō tātou tūpuna, ki te taiao me ngā aronga ā-iwi. - Ko ngā toi, he matapihi ki te ao (wā, horopaki, mokowā).		
	Ka mōhio te ākonga: - ko ngā toi he ara e whai māramatanga ai te tangata ki tōna ao - ko ngā toi he waka kawē whakaaro hoki.	Ka mōhio te ākonga: - ko ngā toi e ahuahu ana i te horopaki o te wā, arā, ōna tirohanga tae atu ki ngā rawa/mātauranga ka whāia e te kaitoi - mā ngā toi ngā whakaaro me ngā kare ā-roto o te wā e whakaputa ki te ao.	Ka mōhio te ākonga: - mā ngā toi te onamata me te anamata e tūhonohono ai - ko tā ngā toi he mea kōtuitui i ngā mātauranga me ngā aronga/kare ā-roto o te tangata/iwi kia rangona e te ao, ki te ao.

Putanga 2

He uri nō Mahara Pohewa	- Mā te whakamātau, me te tūhura ka puta mai ko ngā akoranga hou. - He taonga te tākaro. - Ko ngā toi he uri nō Mahara Pohewa, whakatipua kia ora, kia auaha.		
	Ka mōhio te ākonga: - he akoranga nui ka puta i te tūhura me te whakamātau - kei ngā toi ngā mātauranga ao wairua, ao kikokiko anō hoki.	Ka mōhio te ākonga: - mā te kōtuitui i ngā āhuatanga toi ka puta mai ko ngā mātauranga hou - mā te kaitoi ngā mātauranga ao wairua, ao kikokiko e kōtuitui kia puta ki te ao mārama.	Ka mōhio te ākonga: - mā te āta tātari ka whakapakari, ka whakapai ake te kaitoi i āna mahi - kei ngā toi ngā mātauranga ao wairua, ao kikokiko hei tūāpapa mō ā tātou mahi katoa.